



REPUBLIKA E KOSOVËS / REPUBLIKA KOSOVA

GJYKATA THEMELORE PRIZREN - DEGA E GJYKATËS DRAGASH

Numri i lëndës: 2022:054232

Datë: 10.07.2024

Numri i dokumentit: 05923553

P.nr.18/22

NË EMËR TË POPULLIT

GJYKATA THEMELORE PRIZREN - DEGA E GJYKATËS DRAGASH DEPARTAMENTI I PËRGJITHSHËM DIVIZIONI PENAL Sipas gjyqtarit Sabaheta Kurteshi, me pjesëmarrjen e procesmbajtësit Xharije Skenderi, **në lëndën penale kundër të pandehurit, M. D. nga fsh..., Rrethi i Kukësit R. e Shqipërisë, me numër personal..., për shkak te veprës penale kalimi i pa autorizuar i vendkalimeve kufitare ose vijës kufitare, nga neni 140 par. 1 lidhur me nenin 31 i Kodit Penal të Republikës së Kosovës 06/L-074 (KPRK), duke vendosur sipas aktakuzës së Prokuroria-Prokuroria Themelore Prizren - Departamenti i përgjithshëm nr. PP/II.nr.577-13/2021 , të datës 25.03.2021 në seancën publike të shqyrtimit gjyqësor të mbajtur me datë 06.06.2024 në praninë e Prokurorit të Shtetit Beqë Shala, nga Prizreni, të pandehurit, më datë 06.06.2024 mori dhe publikisht shpalli, ndërsa me datë 01.07.2024 përpiloi, këtë:**

AKT GJYKIM

Ndaj të akuzuarit:

M. D. i lindur më..., me numër..., i biri i Xh. dhe nënës U., e gjinisë P., ka të kryer shkollën e mesme, i pa punë, i martuar babë i 1 fëmije, me gjendje të dobët ekonomike, me vendbanim në fsh... - Kukës, R e Shqipërisë i gjendjes, shqiptar, shtetas i R. të Shqipërisë.

ËSHTË FAJTOR

Se me dt. 03.03.2021 rreth orës 03:50, në pikën kufitare ndërmjet R. të Shqipërisë dhe R. të Kosovës, e cila gjendet në afërsi të fsh. G., Komuna e Dragashit, i pandehuri M. D. bashkë me M. dhe Xh. D., me automjetin Audi me targa..., me ngjyrë të hirit, të cilët ishin duke lëvizur nga fsh..., i R. të Shqipërisë për në Prizren, duke e hapur laurën, kalojnë pikën kufitare të fsh. G. në kohën kur kjo pikë kufitare ishte e mbyllur për kalim të personave, ashtu që në mënyrë të pa autorizuar, jashtë orarit zyrtar (08:00-16-00), kalojnë kufirin pa iu nënshtruar kontrollit duke hyrë jashtë ligjshëm në R. të Kosovës.

Me këto veprime në bashkëkryerje ka kryer veprën penale kalimi i pa autorizuar i vend kalimeve kufitare ose vijës kufitare, nga neni 140 par. 1 lidhur me nenin 31 të Kodit penal 06/L-074 të Republikës së Kosovës.

Andaj gjykata në bazë të neneve 2,4,7,17,38,39 par. 1 nën par. 1.1, neni 40 par. 1 nën par. 1.3, 43, 69,70,71,72 të Kodit penal nr.06/L-074 të R. të Kosovës, dhe nenit 358 dhe nenit 364 të Kodit të procedurës penale 08/L-032, të akuzuarit i shqipton:

DENIM ME GJOBË

Në shumë prej 250 (dyqindpesëdhjetë) €, të cilin dënim duhet ta paguaj në afatin prej 30 ditëve nga dita e plotfuqishmërisë së këtij Aktgjykimi, nën kërcënim të ekzekutimit të dhunshëm. Nëse i akuzuari brenda këtij afati nuk e paguan gjobën, i njëjti dënim me këtë Aktgjykim i zëvendësohet me dënim me burg prej 13 (trembëdhjetë) ditëve duke i llogaritur 20 (njëzet) € me 1 (një) ditë burgu.

Obligohet i akuzuari që ti paguaj shpenzimet e procedurës dhe atë paushallin gjyqësor në shumën prej 50 (pesëdhjetë) € dhe taksën për kompensimin e viktimave të krimit në shumën prej 20 (njëzet) €, në afat prej 30 ditëve, nga dita e plotfuqishmërisë së këtij Aktgjykimi, nën kërcënim të ekzekutimit të dhunshëm.

A R S Y E T I M

Pretendimet e palëve

Prokuroria themelore në Prizren pranë kësaj gjykate ka parashtruar aktakuzën M. D. nga fsh...., Rrethi i Kukësit R. e Shqipërisë, me numër personal..., për shkak të veprës penale kalimi i paautorizuar i vendkalimeve kufitare ose i vijës kufitare nga neni 140 paragrafi 1 të Kodit Nr.06/L-074 Penal të Republikës së Kosovës, më propozim që gjykata pas administrimit të provave të njëjtin ta shpall fajtor dhe ti shqiptoj dënim të paraparë me ligj.

Gjyqtarja e vetme gjykuese duke vepruar në këtë çështje penale në bazë të nenit 240 të KPP-ës, ka caktuar dhe mbajtur shqyrtimin fillestar me datë 29.04.2024, në prezencën e prokurorit të shtetit si dhe të akuzuarit. Gjyqtarja e vetme gjykuese pasi ka udhëzuar të akuzuarin në bazë të nenit 241 par.1 të KPP-ës dhe pasi prokurori i shtetit ka lexuar aktin akuzues dhe pasi gjyqtarja u bind se i njëjti e ka kuptuar aktakuzën në bazë të nenit 242 si dhe pas njoftimit sipas dispozitave të nenit 242 pika 1,2,3,4 të KPPK-ës, të njëjtit i ofroj mundësinë të pranojë fajësinë ose të deklarohet i pafajshëm.

Pranimi i fajësisë nga ana e të akuzuarit

Te akuzuarit me rastin e deklaramentit lidhur me fajësinë apo pafajësinë për veprën penale për të cilën është akuzuar, në shqyrtimin fillestar kanë theksuar se e ndien veten fajtor dhe e pranon fajësinë sipas të gjitha pikave të aktakuzës, pranimin e ka bërë në mënyrë vullnetare duke qenë i vetëdijshëm për pasojat që mund të vijnë si rezultat i pranimin të fajësisë, duke shtuar se kërkon falje për këtë çka ka ndodhur. Pasi që i akuzuari e ka pranuar fajësinë në shqyrtimin fillestar, gjyqtarja e vetme gjykuese duke vepruar në pajtim me nenin 242 par.5 të KPPK-së, ka kërkuar edhe mendimin e prokurorit të shtetit. Prokurori i Shtetit, me rastin e paraqitjes së mendimit lidhur me pranimin e fajësisë nga akuzuarit ka deklaruar se nuk e kundërshton pranimin e fajësisë nga ana e të akuzuarit, pasi pranimi fajësisë është bërë në mënyrë vullnetare dhe në përputhje me dispozitat ligjore të nenit 241 të KPPK-së si dhe provat materiale dhe faktet e çështjes, prandaj i propozoi gjykatës që të njëjtën ta shpallë fajtor dhe t'i shqiptojë sanksion penal në pajtim me ligjin.

Vlerësimi i pranimi të fajësisë

Gjykata për të vlerësuar pranimin e fajësisë shqyrtoi me kujdes kushtet e parapara nga neni 248 par. 1 të KPPRK-së dhe me këtë rast vlerësoi se i akuzuari e ka kuptuar natyrën dhe pasojat e pranimi të fajit, pranimi është bërë vullnetarisht, pranimi i fajit mbështet në faktet dhe prova materiale të rastit konkret si dhe materialet e prezantuara nga prokurori i shtetit, dhe në provat tjera të cilat gjinden në shkresën e lëndës siç janë: deklarata e të pandehurit pranë Policisë së Kosovës –Stacioni Policor në Dragash, Raporti i Oficerit 2021-YWD-03, datë 03.03.2021 Procesverbali mbi dorëzimin e personave i datës 03.03.2021, raportit të oficerit të datës 03.03.2021, foto dokumentacionit Me qenë se i pandehuri e ka pranuar fajësinë e cila është në përputhje me kriteret e përshkruara më lartë, gjyqtari në bazë të nenit 248 paragrafi 4 të KPPRK-së, ka vlerësuar se nuk është e nevojshme vërtetimi i ndonjë fakti relevant për shqiptimin e dënimit dhe për këtë arsye ka vazhduar me shqiptimin e dënimit. Gjykata po ashtu vërtetoi se prokurori ka disponuar me prova të mjaftueshme për veprën penale të akuzuarit dhe ka dhënë mendimin për pranimin e fajësisë nga ana e tij. Gjykata vërtetoi përtej çdo dyshimi se në veprimet e të akuzuarit ekzistojnë të gjitha tiparet objektive dhe subjektive të veprës penale, kalimi i paautorizuar i vendkalimeve kufitare ose i vijës kufitare nga neni 140 paragrafi 1, të Kodit Penal të Republikës së Kosovës Nr.06/L-074, meqë me datë, vend dhe kohë siç është përshkruar hollësisht si në diapozitivin e këtij aktgjykimi se i pandehuri me datë 03.03.2021 rreth orës 03:50, në pikën kufitare ndërmjet R. të Shqipërisë dhe R. të Kosovës, e cila gjendet në afërsi të fsh. G., komuna e Dragashit, i pandehuri M. D. bashkë me M. dhe Xh. D., me automjetin Audi me targa..., me ngjyrë të hirit, të cilët ishin duke lëvizur nga fsh..., i R. të Shqipërisë për në Prizren, duke e hapur laurën, kalojnë pikën kufitare të fsh. G. në kohën kur kjo pikë kufitare ishte e mbyllur për kalim të personave, ashtu që në mënyrë të pa autorizuar, jashtë orarit zyrtar (08:00-16:00), kalojnë kufirin pa iu nënshtruar kontrollit duke hyrë jashtë ligjshëm në R. të Kosovës, ku me këto veprime ka kryer vepër penale, kalimi i paautorizuar i vendkalimeve kufitare ose i vijës kufitare nga neni 140 paragrafi 1 të Kodit Nr.06/L-074 Penal të Republikës së Kosovës.

Nga interpretimi dispozitës të nenin 140 arrihet në përfundimin se: ligjvënësi ka parashikuar një mbrojtje të posaçme juridike në drejtim të mbrojtjes së rendit kushtetues dhe sigurisë së R. të Kosovës, cenimi i të cilit pas sjell përgjegjësi penale. Këto veprime, për t'u cilësuar si vepër penale nga ligji, Në rastin konkret veprimet e ndërmarra nga të akuzuarit janë së të pandehurit kalojnë vijën kufitare jashtë vendkalimit të autorizuar kufitar të Republikës së Kosovës, rrethanë kjo cilësuese e veprës penale.

Baza Ligjore

Me rastin e matjes së llojit dhe lartësisë së dënimit për të akuzuarin, Gjykata vlerësoi rrethanat në kuptim të nenit 69 dhe 70, 71,72 të KPPRK-së, si rrethanë veçanërisht lehtësuese vlerësoi pranimin e fajësisë për veprën penale të kryer, e cila është bërë në seancën e shqyrtimit fillestar, pendimin real dhe të sinqertë, mbajtës të familjes, kurse në rastin konkret nuk gjeti ndonjë rrethanë veçanërisht rënduese përveç që vlerësoi shkallën e përgjegjësisë penale të akuzuarit si dhe rrezikshmërinë konkrete të veprës penale, ndërsa me rastin e vlerësimi të rrethanave rënduese gjykata vlerësoi intensitetin e rrezikimit apo i dëmtimit të së mirës së mbrojtur pasi që bëhet fjalë për vepër penale kundër rendit, ku me veprimet e tyre i pandehuri kolonë vijën kufitare jashtë orarit për vendkalimit të autorizuar kufitar të Republikës së Kosovës, siç janë përshkruar në aktakuzë. Mbi bazën e këtyre rrethanave, gjykata është e bindur se dënimi i shqiptuar është në harmoni me peshën e veprës penale dhe përgjegjësinë penale të akuzuarit, duke marrë parasysh edhe faktin se i njëjti ka bërë pranimin e fajësisë, duke vlerësuar se edhe

me dënim me gjobë, do të arrihet qëllimi i dënimit kryer, Mbi bazën e këtyre rrethanave, gjykata është e bindur se dënimi i shqiptuar është në harmoni me peshën e veprës penale dhe përgjegjësinë penale të akuzuarit, duke marrë parasysh edhe faktin se i njëjti ka bërë pranimin e fajësisë, andaj të njëjtit i shqiptoi dënimin ashtu siç është theksuar në dispozitiv të këtij aktgjykimi me bindje se do të arrihet qëllimi i përgjithshëm i dënimit i paraparë në nenin 38 të KPRK-ës, përkatësisht dënimi i shqiptuar është plotësisht i justifikueshëm, në përshtatje me rrethanat e kryerjes, rrezikshmërinë veprës penale dhe kryesit që do të shërbej në parandalimin e të akuzuarit nga kryerja e veprave penale në të ardhmen si dhe do të arrihet qëllimi që ti përmbaj personat e tjerë nga kryerja e veprës penale.

Vendimi mbi shpenzimet procedurës gjyqësore lidhur me paushallin gjyqësor është marr në kuptim të dispozitës nenit 449 par. 2 nën par. 2.6 të KPP-së Kodi nr. 08/L-032.

Vendimi mbi taksën për kompensimin e viktimave të krimit është marrë në bazë të nenit LIGJI NR. 08/L-109 PËR KOMPENSIMIN E VIKTIMAVE TË KRIMIT (i plotësuar), neni 25 par 3 pika 1.3 i datës 02.11.2022 .

Me sa u tha më lartë Gjkata vendosi si në dispozitiv të këtij Aktgjykimi.

**GJYKATA THEMELORE PRIZREN - DEGA E GJYKATËS DRAGASH
DEPARTAMENTI I PËRGJITHSHËM , DIVIZIONI PENAL**

2022:054232, 06.06.2024

G j y q t a r i

Sabaheta Kurteshi

KËSHILLË JURIDIKE: Kundër këtij aktgjykimi është e lejuar ankesa në afat prej 30 (tridhjetë) ditëve nga koha e pranimit të të njëjtit, Gjykatës së Apelit në Prishtinë, nëpërmjet kësaj Gjykate Themelore.